



Broj: 15-03-16-5-56-37/21  
Datum: 19.11.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

### ODLUKU o izboru najpovoljnijeg ponuđača

#### Član 1.

Najpovoljniji ponuđač u postupku javne nabavke pogonskog goriva LOT 2 – za područje Federacije Bosne i Hercegovine objavljenom na *web* portalu Agencije za javne nabavke Bosne i Hercegovine, broj Obavještenja o nabavci 1110-1-1-49-3-74/21 od 22.9.2021. godine, koji je proveden otvorenim postupkom, je **HIFA d.o.o. Tešanj**.

#### Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

#### Član 3.

Ova odluka stupa na snagu danom donošenja.

### Образложење

Komisija za provođenje postupka javne nabavke je konstatovala je da je rok za dostavljanje ponuda 9.11.2021. godine do 10:00 sati, te da su do navedenog roka u postupku javne nabavke goriva za LOT 2 - područje Federacije Bosne i Hercegovine na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača ENERGOPETROL d.d. Sarajevo i ponuđača HIFA d.o.o. Tešanj. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuđač ENERGOPETROL d.d. Sarajevo u svojoj ponudi je dostavio Izjavu o ispunjenosti uslova iz člana 45. Zakona o javnim nabavkama - Aneks 5-a, kao i Izjavu o ispunjenosti uslova iz člana 47. stav (1) tačka a) Zakona - Aneks 5-b i Izjavu ponuđača u vezi člana 52. stav 2. Zakona - Aneks 5-d, u kojima nije naveo broj „Službenog glasnika BiH“ u kojem je objavljeno Obavještenje o javnoj nabavci, te je Komisija cijenila da nedostatak ovog podatka nije razlog za odbijanje ovih dokaza kvalifikovanosti ponude ponuđača, već da se radi o manjem nedostatku.

Takođe, ponuđač HIFA d.o.o. Tešanj u svojoj ponudi je dostavio Izjavu o ispunjenosti uslova iz člana 45. Zakona o javnim nabavkama - Aneks 5-a, kao i Izjavu o ispunjenosti uslova iz člana 47.



stav (1) tačka a) Zakona - Aneks 5-b i Izjavu ponuđača u vezi člana 52. stav 2. Zakona - Aneks 5-d, 2.11.2021. godine u kojima nije naveo broj „Službenog glasnika BiH“ u kojem je objavljeno Obavještenje o javnoj nabavci, te je Komisija cijenila da nedostatak ovog podatka nije razlog za odbijanje ovih dokaza kvalifikovanosti ponude ponuđača, već da se radi o manjem nedostatku.

Poslije pregleda ponuda utvrđeno je da ponuđač ENERGOPETROL d.d. Sarajevo nije kvalifikovan, s obzirom da je ovaj ponuđač na zahtjev iz tačke 6.5.1 a) Tenderske dokumentacije, da se dostave originalni sertifikata o kvalitetu pogonskih goriva koja su predmet nabavke, ne stariji od jednog (1) mjeseca, dostavio u ovjerenim kopijama sertifikate broj 231/21 i 232/21 od 26.8.2021. godine, a što nije u skladu sa navedenim zahtjevom s obzirom da su dostavljeni dokumenti stariji od jednog mjeseca. Cijeneći navedeno Komisija je ponudu ovog ponuđača odbacila kao nekvalifikovanu.

Nakon pregleda i analize ponude HIFA d.o.o. Tešanj, Komisija je utvrdila da je ponuda ovog ponuđača kvalifikovana. Ponuđač HIFA d.o.o. Tešanj u svojoj ponudi dostavio izjavu o podugovaranju, odnosno namjeri podugovaranja, procentualno u iznosu od 35% procijenjene vrijednosti, a sve u skladu sa članom 5.11.1 Tenderske dokumentacije.

Ponuda ponuđača HIFA d.o.o. Tešanj od 100.800,00 KM bez PDV-a, prelazi procijenjenu vrijednost javne nabavke pogonskog goriva za odnosni LOT 2 – za područje Federacije Bosne i Hercegovine koja iznosi 93.393,16 KM bez PDV-a, odnosno za ukupno 7.406,84 KM bez PDV-a. Komisija je napomenula da je uzela u obzir da je na tržištu u prethodnom periodu došlo do povećanja cijena goriva u odnosu na vrijeme kada je pokrenut postupak javne nabavke, te da treba imati u vidu da će se po ovom postupku javne nabavke zaključiti okvirni sporazum kojim se definiše da je cijena robe koja se nabavlja promjenljiva upravo zbog kretanja cijena robe na tržištu i to na procijenjenu vrijednost predmetne nabavke i maksimalnu količinu roba.

Imajući u vidu navedeno Komisija je predložila da se za najpovoljnijeg ponuđača u postupku javne nabavke pogonskog goriva LOT 2 – za područje Federacije Bosne i Hercegovine izabere ponuđač HIFA d.o.o. Tešanj, čija ukupna cijena ponude **bez PDV-a iznosi 100.800,00 KM, odnosno sa uračunatim PDV-om u iznosu od 117.936,00 KM**, cijeneći da ponuda u tehničkom smislu zadovoljava zahtjeve ugovornog organa, te da se okvirni sporazum zaključuje na procijenjeni iznos javne nabavke kao maksimalni iznos, sa promjenljivom cijenom roba.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X



DIREKTOR  
Dr. sc. Arif Nanić

Signed by: RTRBIC  
potpisano ručno / digitalno potpisano / digitalni potpis